

Jondi pepa lekingon youkuk Yodakale Mede

Pepa yon adi kayonbop nin'walañ talitimen ninđi youkuk. Meenin feedi indin nadiin, pepa yon adi kayonbop ninđok youyemguk. Tiña nehi ungon hekinolit biyagon hinek tiña hatinila yalañ-me heki Bepañ'walañ mede yotubugiyonda tiin heki fiyen doktiña kikaulidoko tiyaneendok yeninguk.

Yodakale en welemomoon mede

¹ Nu kayonbop dinin me talitimen timeninđi tam* Bepañdi netok gigit gabukahileguk tiña wapmihigeye hiditok pepa i youhamulat. Nu mede biyagon welene ginen hatak wondoktiña welenedi habukahile hinek tilat. Tiña nu kubugonđi hogok mu tilat, mokoñ. Adi metam mede biyagon nadiña nadidahi tiin heki adi maan wele-hikdi habukahile hinek tiin.

² Mede biyagonđi indi'walañ welenik ginen hatak, wondi haliwoon halaak, wendoktiña hekinolit foloon hinek hatiyam.

³ Indi mede biyagonnit en me hekinolit hatihati foloon hinek hatinene Bañ Bepañ tiña Jesu Kilisto Me Bañ'walañ Mihinñ adi'walañ silon tobogon,

* **1:1:** Nadinadi me nolidi tam wondok adi indin nadiin, kayonbop adi'walañ yolinen bopneyagin. Kan nadinadime nolidi indin nadiin. Jon adi kayonbopdok nadiña "tam" youkuk.

welekulema en kulemanin wendi indi'walaŋkade haliwoon halaak.

Me Hekinolit momoon tiŋa hatidok mede

⁴ Wapmihigeye noli adi Me Baŋdi yodoko medenin niniŋuk u tagimneen mede biyagon u kedem beŋa hatiin, mebihik undun nadiŋa nadifo hinek tilat.

⁵ Ale tam lolonit, du yodoko mede nin ganimbe nadiwen. Mede u kobuli mon. Koomkwaha tububihit ginen tububihila naditalabam unakon indin ganimit. Metam nadisukilitihinit indi hekinolit momoon tiŋa hatiyaneem.

⁶ Bepaŋ'walaŋ yodoko mede tagimneen kelekele wendi me hekinolit hatihati unakon tilak. Ale Bepaŋ'walaŋ yodoko mede koom tububihila nadigin di naditalabiin u indin unakon. Hidi hatihatihik ginen me hekinolit momoon tiŋa hatiyaneen.

Mede yotubugiyonda me hekidok mede

⁷ I nadineen, tikamanda me feedi mintaan kwetkwet hatidapmain. Adi Jesu Kilisto kwetfolon sigin gitnemnit mintaguk u nadiune foloon mu tilak. Me undinin unakon yalaŋ-me en Kilisto'walaŋ memiknin undun niniŋdok.

⁸ Hidi'walaŋkade kwanai tinene foloon mintaguk u tiyaugene fihambaakneen doktiŋa momoon gon hinek kadokoon hatiyaneen. Ala hatigene kougon tuwanin wendok tuwolit hinek beneen.

⁹ Nebek nin Kilisto'walaŋ medenin mu tihi-fafaneen mede noli folon woon galiwaak, adi yadi Bepaŋ tuwot mu kahilewaak. En me nediyen

Kilisto'walaŋ medeŋiŋ tihifafaŋewaak adi yadi Baŋ gut Mihi wanakaŋ yabukahilewaak.

¹⁰ Eŋ me niŋdi mede gitipmuŋgoŋ niŋ tiŋa hidi'walaŋkade buune kaŋ niutumba tiŋa nagila yohineŋ adi mu kameyaneŋ.

¹¹ Nebek niŋdi me undiniŋ niutumba tibaak, adi yadi me wendi'walaŋ kwanaiŋiŋ hogoli u tubulodawaak.

Yodapmaŋ mede

¹² Mede mohok noli maan hakiin, inŋoŋ pepa foloŋ youhamdok mu nadilat. Nu adi tobo buŋa habuŋa manikdi kiyonadi titiŋdok nadilat. Unduŋ tiŋa nadifo kedem tineem.

¹³ Dalage Bepaŋdi agaŋ kahileguk adi'walaŋ wapmihinjiyedi youtumba mede kamegamiin.

**Bepan'Walaŋ Folofolok Kobuli
Genesis, Exodus, Psalms, and the New Testament in
the Numanggang Language of Papua New Guinea
Sampela hap Buk Baibel long tokples Numanggang**

copyright © 2005 Wycliffe Bible Translators, Inc.

Language: Numanŋaŋ (Numanggang)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-30

PDF generated using Haiola and XeLaTeX on 18 Apr 2025 from source files dated 31 Aug 2023

217908e9-ce08-5ac3-9947-124c48579a74